

BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo poljoprivrede, vodoprivrede i šumarstva

PRIJEDLOG

P R O G R A M

novčanih podrški u poljoprivredi i ruralnom razvoju za 2018. godinu
„Subvencije privatnim preduzećima i preduzetnicima – Poticaj za
poljoprivredu“

Sarajevo, mart 2018. godine

PROGRAM

novčanih podrški u poljoprivredi i ruralnom razvoju za 2018. godinu
„ Subvencije privatnim preduzećima i preduzetnicima – Poticaj za
poljoprivredu“

- 1. Period realizacije Programa:** Od 01.01. do 31.12.2018. godine
- 2. Ukupna vrijednost Programa:** 58.200.000,00 KM
- 3. Namjena Programa:** Podrška proizvodnji kroz model poticaja proizvodnji, a plaćanja u sklopu mjera strukturne politike kroz model podrške dohotku, model kapitalnih ulaganja, model ruralnog razvoja i model ostalih vrsta podrški.
- 4. Korisnici Programa:** Klijenti upisani u Registar poljoprivrednih gazdinstava /Registar klijenata.
- 5. Izvor sredstava:** Budžet Federacije Bosne i Hercegovine za 2018. godinu – Budžet Federalnog ministarstva poljoprivrede, vodoprivrede i šumarstva „Subvencije privatnim preduzećima i preduzetnicima – Poticaj za poljoprivredu“ („Službene novine Federacije BiH“, broj 5/18).
- 6. Nosilac Programa:** Federalno ministarstvo poljoprivrede, vodoprivrede i šumarstva.
- 7. Odgovorno lice:** mr. sci. Šemsudin Dedić, ministar

UVOD

Kod izrade Programa novčanih podrški u poljoprivredi i ruralnom razvoju za 2018.godinu, vodilo se računa o:

- Odredbama Zakona o poljoprivredi („Službene novine Federacije BiH“, br. 88/07, 04/10, 27/12 i 7/13);
- Odredbama Zakona o novčanim podrškama u poljoprivredi i ruralnom razvoju („Službene novine Federacije BiH“, broj 42/10);
- Principima Srednjoročne strategije razvoja poljoprivrednog sektora u Federaciji BiH 2015. - 2019. (Odluka Parlamenta F BiH, broj: 01,02-24-1-780/15 od 08.06.2015. godine);
- Preuzetim obavezama iz Sporazuma o stabilizaciji i pridruživanju (SSP-a) vezano za prilagođavanje praksi u vođenju poljoprivredne politike prema odredbama Zajedničke poljoprivredne politike EU;
- Aktivnostima koje su predviđene Programom rada Vlade Federacije BiH za mandatni period 2015. - 2018. godina;
- Odredbama Zakona o izvršenju Budžeta Federacije BiH za 2018. godinu („Službene novine Federacije BiH“, broj 5/18).

POGLAVLJE I – CILJEVI I SVRHA PROGRAMA

1) CILJEVI PROGRAMA

U Programu novčanih podrški u poljoprivredi i ruralnom razvoju za 2018. godinu „Subvencije privatnim preduzećima i preduzetnicima – Poticaj za poljoprivredu“ će se realizovati prioritetne mjere novčanih podrški po modelu poticaja proizvodnji i dio mjera strukturne politike koje trebaju doprinijeti ispunjavanju slijedećih ciljeva:

- unapređenju poljoprivredne proizvodnje i povećanje obima korištenja poljoprivrednog zemljišta s ciljem jačanja konkurentnosti na domaćem i inostranom tržištu;
- povećanju ponude domaćim poljoprivrednim proizvodima uz poboljšanje kvaliteta zdravstvene i higijenske ispravnosti proizvoda u skladu sa zahtjevima potrošača;
- osiguranju stabilnog poljoprivrednog dohotka i omogućavanje adekvatnog životnog standarda poljoprivrednih proizvođača;
- postepenoj harmonizaciji i integraciji sektora poljoprivrede u EU i globalno tržište.

2) SVRHA PROGRAMA

Svrha ovog Programa je nastaviti podršku prioritetnim mjerama novčanih podrški u okvirima raspoloživog budžeta, kako bi osigurali kontinuiranu isplatu novčanih podrški u toku 2018. godine.

POGLAVLJE II - KRITERIJI ZA RASPODJELU SREDSTAVA

Odobrena finansijska sredstva Federalnom ministarstvu poljoprivrede, vodoprivrede i šumarstva (u daljem tekstu: Federalno ministarstvo) pod stavkom: „Subvencija privatnim preduzećima i preduzetnicima - Poticaj za poljoprivredu“ odobravat će se fizičkim i pravnim licima (u daljem tekstu: klijent), koji ispune opće i posebne kriterije.

1) OPĆI KRITERIJI

Pravo na podršku ima klijent koji je:

- državljanin Bosne i Hercegovine i ima sjedište, odnosno prebivalište na teritoriji Federacije Bosne i Hercegovine (u daljem tekstu: Federacija BiH),
- ostvario poljoprivrednu proizvodnju ili drugu djelatnost na teritoriji Federacije, BiH, propisanu ovim Programom,
- upisan u Registar poljoprivrednih gazdinstava ili Registar klijenata,
- ispunio posebno propisane kriterije iz ovog Programa te kriterije iz ostalih zakonskih i podzakonskih propisa iz oblasti novčanih podrški u poljoprivredi i ruralnom razvoju,
- ispunio posebno propisane kriterije Programa za period 01.10.2017. godine do 01.10.2018. godine,
- ispunio posebno propisane kriterije Programa i Pravilnika za tekuću godinu, a koji zbog prirodnog procesa proizvodnje ili drugih propisanih kriterija ostvaruju novčanu podršku u narednoj godini,
- započeo proizvodnju u 2017. godini (prije ili poslije 01.10.2017. godine), a završio je prije objave ovog Programa, kompletnu dokumentaciju dostavlja nadležnom kantonalnom ministarstvu najkasnije u roku od 30 dana od dana stupanja na snagu ovog Programa. Nadležno kantonalno ministarstvo vrši obračun zahtjeva na osnovu visine sredstava propisanih ovim Programom, nakon čega ih dostavlja Federalnom ministarstvu na dalju realizaciju najkasnije u roku od 45 dana od dana stupanja na snagu ovog Programa,
- započeo proizvodnju u 2017. godini (prije ili poslije 01.10.2017. godine), a završio je nakon objave ovog Programa, kompletnu dokumentaciju dostavlja nadležnom kantonalnom ministarstvu najkasnije do 01.10. tekuće godine,
- imao nerealizovani zahtjev iz Programa novčanih podrški iz ranijih godina, a kojem zbog vršenja naknadnih kontrola i provjera nije isplaćena novčana podrška, ista će se realizovati u skladu sa raspoloživim sredstvima u 2018. godini,
- ostvario pravo u ponovljenom postupku provedenom po pravosnažnoj sudskoj presudi iz oblasti novčanih podrški, odnosno po pravosnažnom rješenju donesenom u drugostepenom postupku,
- izmirio obaveze ili sklopio sporazum o reprogramu duga kod nadležne Porezne uprave Federacije BiH / Uprave za indirektno oporezivanje BiH za 2017. godinu,
- ostvario proizvodnju i podnio Zahtjev u 2017. godini za Uzgoj pilenki teške roditeljske linije i Uzgoj pilenki lake roditeljske linije, a nije ostvario pravo na novčanu podršku zbog administrativnih problema, isti može ponovo podnijeti Zahtjev nadležnom kantonalnom ministarstvu u roku od 15 dana od dana objave

- ovog Programa. Nadležna kantonalna ministarstva će u roku od 10 dana od dana zaprimanja zahtjeva iste obraditi i dostaviti Federalnom ministarstvu,
- zasnovao proizvodnju na području općine ili grada na kojem je proglašeno stanje elementarne nepogode.

2) POSEBNI KRITERIJI

A/ MODEL PODRŠKE PROIZVODNJI

A/1 BILJNA PROIZVODNJA

(1) Proizvodnja ratarskih, povrtlarskih, voćarskih kultura, duhana, grožđa i maslina

- a) **hljebna žita** (pšenica i raž) – klijent ostvaruje pravo na novčanu podršku za proizvodnju na minimalno 1ha, a maksimalno po kulturi 200 ha hljebnih žita u toku godine, i iste prodaja;
- b) **stočna žita** (stočni ječam, zobi i tritikale) - klijent ostvaruje pravo na novčanu podršku za proizvodnju na minimalno 1ha, a maksimalno po kulturi 200 ha stočnih žita u toku godine, za vlastite potrebe ili iste prodaja;
- c) **krmno bilje** (silazni kukuruz, stočni grašak i grahorice) - klijent ostvaruje pravo na novčanu podršku za proizvodnju na minimalno 2 ha, a maksimalno po kulturi 400 ha krmnog bilja u toku godine, za vlastite potrebe ili iste prodaja;
- d) **uljarice** (uljana repica, suncokret i soja) – klijent ostvaruje pravo na novčanu podršku za proizvodnju na minimalno 1ha, a maksimalno po kulturi 250 ha uljarica u toku godine i iste prodaja;
- e) **povrće** (paradajz, paprika, krastavac, patlidžan, mrkva, cvekla, luk, salata i mladi krompir) – klijent ostvaruje pravo na novčanu podršku za proizvodnju na minimalno 0,5 ha, a maksimalno po kulturi 20 ha povrća u toku godine i isto prodaja;
- f) **grožđe i masline** - klijent (pravno lice ili obrt) ostvaruje pravo na novčanu podršku za proizvodnju na minimalno 1ha, a maksimalno po kulturi 150 ha grožđa ili maslina u toku godine i isto prodaja;
- g) **voće** (šljiva, jabuka, kruška, breskva, nektarina, trešnja, višnja, smokva, kajsija, lješnjak i malina) - klijent (pravno lice ili obrt) ostvaruje pravo na novčanu podršku za proizvodnju na minimalno 2 ha, a za malinu i lješnjak na 0.5 ha, a maksimalno po kulturi 250 ha voća u toku godine i isto prodaja;
- h) **heljda** - klijent ostvaruje pravo na novčanu podršku za proizvodnju na minimalno 1ha, a maksimalno 50 ha heljde u toku godine i istu prodaja;
- i) **ljekovito i aromatično bilje** (kamilica, menta, lavanda, ružmarin, smilje i lovor) - klijent ostvaruje pravo na novčanu podršku za proizvodnju na minimalno 1ha, a maksimalno po kulturi 50 ha ljekovitog i aromatičnog bilja u toku godine i isto prodaja;
- j) **duhan** (Virdžinija i Berlejška klasa I-IV i Hercegovački ravnjak – A1, A2, A3, B1, B2 i B3) – klijent ostvaruje pravo na novčanu podršku za proizvodnju na minimalno 0,5ha, a maksimalno po kulturi 50 ha duhana u listu u toku godine i isti prodaja;

(2) Proizvodnja deklarisanog sjemena:

- a) **strnih žita** (pšenica, ječam, raž, zob, tritikale) i heljda - klijent ostvaruje pravo na novčanu podršku za maksimalno po kulturi 300 ha zasijanog sjemena strnih žita ili heljde u toku godine i isto prodaja;

- b) **kukuruzna, soje i suncokreta** - klijent ostvaruje pravo na novčanu podršku za maksimalno po kulturi 100 ha zasijanog sjemena kukuruza, soje ili suncokreta u toku godine i isto prodaju;
- c) **krompira** (osnovno sjeme i certificirano sjeme) – klijent ostvaruje pravo na novčanu podršku za maksimalno po kulturi 50 ha proizvedenog sjemena krompira u toku godine i isto prodaju.

(3) Proizvodnja deklarisanog sadnog materijala:

- a) **krošnjastog voća** - klijent ostvaruje pravo na novčanu podršku za maksimalno po kulturi 220.000 sadnica krošnjastog voća u toku godine i iste prodaje;
- b) **jagodičastog voća** (kupina, borovnica i brusnica) – klijent ostvaruje pravo na novčanu podršku za maksimalno po kulturi 220.000 sadnica jagodičastog voća u toku godine i iste prodaje;
- c) **vinove loze** - klijent ostvaruje pravo na novčanu podršku za maksimalno 220.000 sadnica vinove loze u toku godine i iste prodaje.

(4) Nerealizovani zahtjevi iz prethodnog perioda

Nerealizovani zahtjevi klijenata iz prethodnog perioda po modelu poticaja proizvodnji, kojima zbog vršenja naknadnih kontrola i provjera nije isplaćena novčana podrška po Programu novčanih podrški.

A/2 ANIMALNA PROIZVODNJA

(1) Govedarska proizvodnja

- a) **Proizvodnja svježeg kravljeg mlijeka** - klijent ostvaruje pravo na novčanu podršku ako proizvede minimalno 500, a maksimalno 550.000 litara mlijeka mjesečno i isto prodaju;
- b) **Proizvodnja goveđeg mesa - tov junadi od teladi iz domaćeg uzgoja** – klijent ostvaruje pravo na novčanu podršku za minimalno 3 utovljena grla, a maksimalno 900 grla u toku godine i isto prodaju;
- c) **Proizvodnja goveđeg mesa – tov junadi od teladi iz uvoza** – klijent ostvaruje pravo na novčanu podršku za minimalno 10 utovljenih grla, a maksimalno 600 grla u toku godine i isto prodaju;
- d) **Uzgoj krava prvotelki (rasplodne junice)** – klijent ostvaruje pravo na novčanu podršku (pravno lice ili obrt) za uzgoj minimalno 2, a maksimalno 200 junica iz vlastitog stada u toku godine, s tim da služe za proširenje vlastitog stada ili za prodaju;
- e) **Uzgoj goveda u sistemu krava-tele** – klijent ostvaruje pravo na novčanu podršku za minimalno 15, a maksimalno 1000 krava u sistemu krava-tele, u toku godine.

(2) Ovčarska i kozarska proizvodnja

- a) **Proizvodnja svježeg ovčjeg i kozjeg mlijeka** – klijent ostvaruje pravo na novčanu podršku za minimalno 300 litara, a maksimalno 300.000 litara ovčjeg ili kozjeg mlijeka u toku godine i isto prodaju.
- b) **Uzgoj rasplodne stoke (ovce i koze)** – klijent ostvaruje pravo na novčanu podršku za minimalno 50 odraslih ovaca, odnosno minimalno 25 odraslih koza starijih od godinu dana, a maksimalno za 1.300 odraslih grla ovaca ili koza, u toku godine.

(3) Svinjogojska proizvodnja

- a) **Proizvodnja svinjskog mesa - tov svinja iz domaćeg uzgoja ili uvoza** – klijent ostvaruje pravo na novčanu podršku ako u toku godine utovi minimalno 25 svinja od prasadi iz domaćeg uzgoja, odnosno minimalno 75 svinja od prasadi iz uvoza, a maksimalno za 7.200 svinja u toku godine i iste prodaja;
- b) **Uzgoj rasplodne stoke - krmača** – klijent ostvaruje pravo na novčanu podršku za minimalno 5 rasplodnih krmača, a maksimalno za 150 krmača u toku godine.

(4) Peradarska proizvodnja

- a) **Uzgoj 18-sedmičnih pilenki** - klijent ostvaruje pravo na novčanu podršku za minimalno 5000, a maksimalno za 220.000 uzgojenih pilenki u toku godine od pilića iz domaćeg uzgoja do prelaska u fazu reprodukcije i iste prodaja ili ih ostavi za dalji uzgoj;
- b) **Uzgoj pilenki teške roditeljske linije** – klijent ostvaruje pravo na novčanu podršku za minimalno 5000, a maksimalno za 70.000 pilenki u toku godine do prelaska u fazu reprodukcije i iste prodaja ili ih ostavi za dalji uzgoj;
- c) **Uzgoj pilenki lake roditeljske linije** - klijent ostvaruje pravo na novčanu podršku za minimalno 5000, a maksimalno za 70.000 pilenki u toku godine do prelaska u fazu reprodukcije i iste prodaja ili ih ostavi za dalji uzgoj.

(5) Pčelarska proizvodnja

Košnice pčela - uzgoj pčelinjih zajednica – klijent ostvaruje pravo na novčanu podršku za minimalno 20, a maksimalno 400 pčelinjih zajednica i prodaja minimalno 2 kg meda po zajednici u toku godine.

(6) Ribarska proizvodnja

- a) **Proizvodnja/uzgoj slatkovodne ribe** – klijent ostvaruje pravo na novčanu podršku za minimalno 3000 kg, a maksimalno za 600.000 kg ribe u toku godine i istu prodaja;
- b) **Proizvodnja/uzgoj morske ribe** – klijent ostvaruje pravo na novčanu podršku za minimalno 3000 kg, a maksimalno za 150.000 kg ribe u toku godine i istu prodaja.

(7) Izvorne zaštićene pasmine životinja:

Uzgoj izvornih zaštićenih pasmina životinja (bosanski brdski konj, domaća buša, domaći magarac i pas tornjak) – klijent ostvaruje pravo na novčanu podršku za maksimalno 50 životinja izvornih zaštićenih pasmina u toku godine, a za psa tornjaka maksimalno 10 životinja u toku godine.

(8) Nerealizovani zahtjevi iz prethodnog perioda

Nerealizovani zahtjevi klijenata iz prethodnog perioda po modelu poticaja proizvodnji, kojima zbog vršenja naknadnih kontrola i provjera nije isplaćena novčana podrška po Programu novčanih podrški.

B/ MODEL PODRŠKE DOHOTKU

Zbog nedostatka novčanih sredstava nije moguće provesti mjere iz ovog modela.

C/ MODEL KAPITALNIH ULAGANJA

Pravo na novčanu podršku za kapitalna ulaganja u poljoprivredu se odnose na: Regres kamata na kredite za investicije u poljoprivredi za period od 01.10.2017. do 01.10. 2018. godine.

Visina regresa kamate iznosit će do 4% za prvu godinu otplate kredita. Način ostvarivanja prava odredit će se posebnim propisom - Pravilnikom iz člana 16. stav (8) Zakona o novčanim podrškama u poljoprivredi i ruralnom razvoju.

D/ MODEL RURALNOG RAZVOJA

Realizacija mjera novčanih podrški iz ovog modela vršit će se u skladu sa ovim Programom i novim Pravilnikom o uslovima i načinu ostvarivanja novčanih podrški po modelu ruralnog razvoja.

Podrška konkurentnosti poljoprivrednih proizvoda

- (1) **Investicije u poljoprivredna gazdinstva** Osnovni cilj ove mjere je podizanje konkurentnosti primarnih poljoprivrednih proizvoda i približavanje EU standardima, pravilima i procedurama. Specifični cilj ove mjere je poboljšanje sveukupnog poslovanja kroz poboljšanje infrastrukture i opreme na poljoprivrednim gazdinstvima što će rezultirati uvođenjem novih proizvodnih tehnologije i metoda proizvodnje, podizanje standarda kvaliteta i zaštite okoliša.

a) Investicije u nove poljoprivredne mašine i priključne uređaje za biljnu i stočarsku proizvodnju

Pravo na podrške za investicije u poljoprivredne mašine i priključne uređaje imaju klijenti koji su upisani u RPG i RK, a izvršili su kupovinu novih poljoprivrednih mašina i priključnih uređaja u razdoblju od 01.10.2017. do 01.10.2018. godine. Klijent ostvaruje pravo na novčanu podršku nakon investiranja, obrade prispjelih zahtjeva i pregleda na terenu od strane nadležnih službenika Federalnog ministarstva.

Prihvatljivi troškovi

Prihvatljivi troškovi su troškovi kupovine novih poljoprivrednih mašina i priključnih uređaja uključujući i troškove njihovog transporta.

Način ostvarivanja prava

Federalno ministarstvo će objaviti Obavijest o prikupljanja zahtjeva za novčanu podršku za model ruralnog razvoja odmah nakon usvajanja ovog Programa i donošenja novog Pravilnika o uslovima i načinu ostvarivanja novčane podrške po modelu ruralnog razvoja. Krajnji rok za podnošenje Zahtjeva je 05.10.2018. godine.

Pravo na novčanu podršku ostvaruje se na osnovu Zahtjeva koji se podnosi Federalnom ministarstvu, uz koji se prilaže u originalu ili ovjerenoj kopiji:

- Račun o kupovini poljoprivrednih mašina i priključnih uređaja uključujući račun vezan za troškove njihovog transporta,
- Dokaz o izvršenoj uplati po ispostavljenom računu (fakturi),

- Za uvezene poljoprivredne mašine i priključne uređaje, Jedinstvena carinska deklaracija (JCI) i dokaz o izmirenim carinskim i drugim dažbinama,
- Prometna/saobraćajna dozvola za poljoprivredne mašine koje podliježu registraciji;
- Ovjerena izjava klijenta da poljoprivredna mašina, odnosno priključni uređaji nije nabavljena u okviru međunarodnih projekata ili donacija, te da po istoj osnovi nije koristio bespovratna sredstva bilo kojeg nivoa vlasti u BiH, odnosno da poljoprivrednu mašinu, odnosno priključni uređaj neće otuđiti u razdoblju od pet godina.

Tabela 1.

INVESTICIJE U NOVE POLJOPRIVREDNE MAŠINE I PRIKLJUČNE UREĐAJE ZA BILJNU I STOČARSKU PROIZVODNJU			
R.b.	Naziv	Maksimalna prihvatljiva vrijednost pojedinačne investicije (bez PDV-a i carine)	Maksimalni osnovni iznos novčane podrške za svaku pojedinačnu investiciju
1.	Traktor snage preko 86 kW	120.000 KM	30.000 KM
2.	Kombajn (žitni, voćarski)		
3.	Silažni kombajn – samohodni		
4.	Traktor od 55,1 do 86 kW	80.000 KM	20.000 KM
5.	Adapter za kombajn		
6.	Platforma za berbu voća		
7.	Traktor od 33,6 do 55 kW	50.000 KM	12.500 KM
8.	Berač za jagodičasto voće		
9.	Silomiks prikolica		
10.	Plug obrtač – vučeni		
11.	Dvoredni berač za kukuruz	30.000 KM	7.500 KM
12.	Cisterna za gnojnicu (osoku) preko 10.000 l		
13.	Rolo-baler		
14.	Samoutovarna prikolica za sijeno		
15.	Plug obrtač – nošeni		
16.	Sjetvospremač		
17.	Traktor do 33,5 kW		
18.	Uvijač za rolo-bale, presa za baliranje sijena	17.000 KM	4.250 KM
19.	Rasturač stajnjaka		
20.	Jednoredni berač za kukuruz		
21.	Pneumatska sijačica		
22.	Tanjurača – vučena		
23.	Cisterna za gnojnicu (osoku) do 10.000 l	12.500 KM	3.125 KM
24.	Prikolica preko 4 t nosivosti		
25.	Zubača (drljača)		
26.	Sijačica za strna žita		

27.	Kultivator za međurednu obradu	8.000 KM	2.000 KM
28.	Rotaciona kosilica		
29.	Silokombajn – vučeni		
30.	Podrivač		
31.	Atomizer		
32.	Motokultivator sa priključcima		

b) Investicije u novu opremu za biljnu i stočarsku proizvodnju

Pravo na podršku za investicije u opremu imaju klijenti koji su upisani u RPG i RK, a izvršili su kupovinu nove opreme u razdoblju od 01.10.2017. do 01.10.2018. godine. Klijent ostvaruje pravo na novčanu podršku nakon investiranja, obrade prispjelih zahtjeva i pregleda na terenu od strane nadležnih službenika Federalnog ministarstva.

Prihvatljivi troškovi

Prihvatljivi troškovi su troškovi kupovine nove opreme uključujući i troškove njenog transporta, montaže, odnosno ugradnje.

Način ostvarivanja prava

Federalno ministarstvo će objaviti Obavijest o prikupljanja zahtjeva za novčanu podršku za model ruralnog razvoja odmah nakon usvajanja ovog Programa i donošenja novog Pravilnika o uslovima i načinu ostvarivanja novčane podrške po modelu ruralnog razvoja. Krajnji rok za podnošenje Zahtjeva je 05.10.2018. godine.

Pravo na novčanu podršku ostvaruje se na osnovu Zahtjeva koji se podnosi Federalnom ministarstvu, uz koji se prilaže u originalu ili ovjerenoj kopiji:

- Račun (faktura) o kupovini poljoprivredne opreme uključujući račun (fakturu) vezanu za troškove njihovog transporta, montaže odnosno ugradnje,
- Dokaz o izvršenoj uplati po ispostavljenom računu (fakturi),
- Za uvezenu poljoprivrednu opremu Jedinственu carinsku deklaraciju (JCI) i dokaz o izmirenim carinskim dažbinama,
- Ovjerena izjava klijenta da poljoprivredna oprema nije nabavljena u okviru međunarodnih projekata ili donacija, te da po istoj osnovi nije koristio bespovratna sredstva bilo kojeg nivoa vlasti u BiH, odnosno da poljoprivrednu opremu neće otuđiti u razdoblju od pet godina.

Tabela 2.

INVESTICIJE U NOVU POLJOPRIVREDNU OPREMU ZA BILJNU I STOČARSKU PROIZVODNJU			
R.b.	Naziv	Maksimalna prihvatljiva vrijednost pojedinačne investicije (bez PDV-a i carine)	Maksimalni osnovni iznos novčane podrške za svaku pojedinačnu investiciju
	BILJNA PROIZVODNJA		
1.	Oprema za navodnjavanje (pumpe, cjevovodi, raspršivači, sistem filtracije, sistem fertirigacije, kapaljke, rolomati)		

2.	Oprema za zaštitu od grada	80.000 KM	20.000 KM
3.	Oprema za zaštitu od mraza		
4.	Oprema za ograđivanje zasada voćnjaka		
5.	Oprema i uređaji za provjetravanje i grijanje plastenika i staklenika		
6.	Oprema za čišćenje i pranje voća, povrća, ljekovitog i aromatičnog bilja		
7.	Oprema za sušenje voća, povrća, ljekovitog i aromatičnog bilja		
8.	Linije za sortiranje i kalibriranje voća, povrća, ljekovitog i aromatičnog bilja (uključujući kompjutersku opremu)		
9.	Linije za pakovanje i označavanje voća, povrća, ljekovitog i aromatičnog bilja		
STOČARSKA PROIZVODNJA			
1.	Oprema za fiksno ograđivanje travnjaka	8.000 KM	2.000 KM
2.	Oprema i uređaji za hranjenje i napajanje životinja (mlinovi i mješaonice za pripremu koncentrata, oprema i dozatori za krmne koncentrate, izuzimači, transporter, mikser prikolice i dozatori za kabastu krmu, hranilice i pojilice)	80.000 KM	20.000 KM
3.	Oprema izmuzišta za mašinsku mužu, uključujući i pokretne muzne jedinice (sa svim elementima, materijalom i montažom)		
4.	Mljekovodi, inox-posude i oprema za hlađenje i skladištenje mlijeka na PG	40.000 KM	10.000 KM
5.	Stočna vaga, rampa za utovar/istovar životinja, lijevci (korali) za usmjeravanje i hvatanje stoke		
6.	Oprema za fizikalnu, hemijsku i biološku obradu otpadnih voda, oprema za sprečavanje zagađenja zraka		
7.	Oprema za biogasna postrojenja		
8.	Oprema za sušenje i pakovanje đubriva peradi		
PČELARSTVO			
1.	Košnice , dijelovi košnica, podnice, hranilice, krovovi, bježalice, snelgrove daske, matične rešetke, vratašca, spojka, ručka za košnice, satne osnove, ometač pčela s okvira,		

	sakupljač cvjetnog praha, čistač cvjetnog praha, okviri, nukleusi.		
2.	Mlin za cvjetni prah, sušionik za cvjetni prah, vrcaljka, odgovarajuća posuda za skladištenje i punjenje meda, matične mliječi, cvjetnog praha, propolisa, pčelinjeg voska i pčelinjeg otrova (staklena ambalaža - staklenke za med različitog volumena i staklene bočice raznog volumena), inox kante (posude) i bačve, cjedila za med, plastične kante (posude) i bačve, posuda za cijedenje, separator meda, voska i matične mliječi, dekrystalizator, posuda za sterilizaciju voska, elektronske vage i njihova oprema, agregat.	17.000 KM	4.250 KM
3.	Napredna oprema Usisavač za matičnu mliječ, pneumatske klamerice (pištolji) za sastavljanje dijelova pčelarske opreme (okvira, nastavaka, podnica, zračni kompresori za pogon klamerica (mogu biti raznog volumena), pumpe za med električni pastir, poklopna daska, nastavci, rešetke za pelud (PVC skidač peluda), elektro motor i/ili elektro upravljačka jedinica za vrcaljke, ventilacijske mreže, mrežice za skupljanje propolisa.		
4.	Oprema za selidbu pčela, priključna vozila, mehaničke ili hidraulične dizalice, utovarne rampe, kontejneri, ručni viljuškar.		
	RIBARSTVO		
1.	Oprema za mrijestilišta i/ili uzgajališta, skladišnih prostora, vodnih građevina, otpremnih centara i centara za pročišćavanje, objekata za maloprodaju		
2.	Oprema za rad i održavanje uzgajališta, unaprjeđenje uslova rada mrijestilišta i/ili uzgajališta, unaprjeđenje kvalitete proizvodnje na mrijestilištima i/ili uzgajalištima, unapređenje sistema fizičke i tehničke zaštite mrijestilišta i/ili uzgajališta od divljih predatora; nadzor mrijestilišta i/ili uzgajališta, praćenje parametara okoliša.	80.000 KM	20.000 KM

3.	Specijalizirana vozila i/ili servisna plovila i/ili teglenice i/ili plutajući objekti i/ili pontoni i/ili radne mašine.		
4.	Oprema za proizvodnju leda, praćenje kvaliteta vode i zdravlja riba i kvaliteta ribljih proizvoda.		
5.	Oprema za pročišćavanje vode, računarska oprema uključujući software za praćenje proizvodnog procesa.		
6.	Mašine za preradu hrane za ribe.		

ZAJEDNIČKE ODREDBE

Osnovni iznos novčane podrške

Osnovni iznos novčane podrške za svaki pojedinačni zahtjev utvrđuje se na osnovu računa (fakture).

Ako vrijednost investicije prelazi maksimalnu prihvatljivu vrijednost investicije (tabele 1 i 2), za obračun se koristi iznos maksimalne prihvatljive vrijednosti investicije naveden u pomenutim tabelama.

Osnovni iznos novčane podrške je do 25% od prihvatljivih troškova, odnosno do maksimalnog iznosa novčane podrške utvrđenog ovim Programom.

Dodatni iznos novčane podrške

Dodatni iznos novčane podrške obračunavat će se na utvrđeni osnovni iznos novčane podrške i to:

- dodatnih 5% za nosioca poljoprivrednog gazdinstva mlađeg od 40 godina na dan podnošenja zahtjeva i žene nosioce poljoprivrednog gazdinstva.

Minimalna i maksimalna prihvatljiva vrijednost investicije

Minimalna prihvatljiva vrijednost investicije koja je predmet novčane podrške u okviru ovog Programa je 3.000 KM za fizička lica, a za pravna lica i obrte 5.000 KM.

Maksimalna prihvatljiva vrijednost investicije koja je predmet novčane podrške u okviru ovog Programa je 120.000 KM za fizička lica, a za pravna lica i obrte 200.000 KM.

Maksimalni iznos novčane podrške u okviru Programa

Klijent može ostvariti pravo na novčanu podršku za kupovinu više poljoprivrednih mašina, priključnih uređaja odnosno više vrsta opreme, pod uslovom da maksimalni iznos novčane podrške u okviru ovog Programa ne prelazi 30.000 KM za fizička lica, a za pravna lica i obrte 50.000 KM. Ovaj iznos uvećava se za dodatni iznos novčane podrške koji zavisi o nosiocu poljoprivrednog gazdinstva (mladi i žene).

Proporcionalno smanjenje u slučaju probijanja iznosa sredstava utvrđenih Programom

Ukoliko zbir iznosa obračunate novčane podrške svih pojedinačnih zahtjeva bude veći od iznosa sredstava utvrđenih ovim Programom, izvršit će se proporcionalno smanjenje svih odobrenih pojedinačnih iznosa novčane podrške.

Valuta

Troškovi na računima (fakturama) mogu biti izraženi u KM ili stranoj valuti.

Troškovi na računima (fakturama) čija je vrijednost izražena u stranoj valuti biti će preračunati u vrijednost KM prema srednjem tečaju Centralne banke BiH važećem na dan zaprimanja zahtjeva.

Neprihvatljivi troškovi

- Porezi uključujući PDV, carinske i uvozne dažbine i ostale naknade državi,
- Nabavka korištene opreme i poljoprivredne mehanizacije,
- Bankarski troškovi, troškovi garancija i slični troškovi,
- Troškovi konverzije, troškovi tečajnih razlika i naknada,
- Troškovi poslova javne uprave (troškovi opće-upravnih troškova, troškovi iznajmljivanja opreme, mašina i prostora, plate zaposlenih na poslovima upravljanja, izvođenja, praćenja i nadzora),
- Plaćanje u naturi i kompenzacija koja nije provedena preko poslovnog računa, troškovi vlastitog rada,
- Za nabavku izvršenu putem lizinga,
- Za nabavku izvršenu na osnovu donacija i poklona,
- Za nabavku poljoprivrednih mašina, priključnih uređaja i opreme u okviru međunarodnih projekata i donacija, odnosno iz bespovratna sredstva bilo kojeg nivoa vlasti u BiH.

(2) Organska proizvodnja

Osnovni cilj ove mjere je podrška razvoju organske proizvodnje, očuvanje ruralnog okoliša i zdravlja potrošača. Podrškom certifikaciji doprinosi se održivosti i razvoju organske proizvodnje, te ispunjavanju strateških ciljeva i EU preporuka.

a) Certifikacija organske proizvodnje

Podršku može ostvariti klijent (proizvođač, prerađivač i sakupljač) koji posjeduje certifikat od tijela akreditovanog od strane međunarodno ovlaštenog akreditacijskog tijela prema zahtjevima standarda EN45011/ISO Vodiča 65.

Visina podrške se ostvaruje u iznosu do 75 % ukupno dokumentiranih prihvatljivih troškova certifikacije, a uslovi za ostvarivanje novčane podrške propisane se novim Pravilnikom o uslovima i načinu ostvarivanja novčane podrške po modelu ruralnog razvoja.

E/ MODEL OSTALIH VRSTA PODRŠKI

Pravo na novčanu podršku za ostale vrste podrški se odnose na:

1. Sufinansiranje premije osiguranja od mogućih šteta u poljoprivrednoj proizvodnji

1.1. Sufinansiranje premije osiguranja od mogućih šteta u poljoprivrednoj proizvodnji.

2. Sufinansiranje stručnih skupova, kongresa, simpozija, seminara i sajmova

2.1. Sufinansiranje organizovanja stručnih skupova, kongresa, simpozija, seminara, sajmova, promocija i izložbi iz oblasti poljoprivredno-

prehrambenog sektora.

3. Realizacija projekata od značaja za Federaciju BiH

- 3.1. Sufinansiranje izlaganja na manifestacijama od značaja za poljoprivredni Sektor,
- 3.2. Realizacija strateških ciljeva iz oblasti savjetodavstva (realizacija kroz Javni poziv)

4. Organizovanje poljoprivrednika (zadruga, udruženja, savezi)

- 4.1. Sufinansiranje troškova realizacije aktivnosti poljoprivrednih zadruga,
- 4.2. Sufinansiranje troškova realizacije aktivnosti poljoprivrednih udruženja,
- 4.3. Sufinansiranje troškova realizacije aktivnosti poljoprivrednih saveza.

5. Sufinansiranje troškova standardizacije proizvoda/proizvodnje

- 5.1. Sufinansiranje uvođenja i certifikacije standarda u poljoprivredi i prehrambenoj industriji.

F/ SUDSKE PRESUDE I RJEŠENJA PO ŽALBAMA

Novčane podrške - ostvareno pravo u ponovljenim postupcima provedenim po pravosnažnim sudskim presudama u oblasti novčanih podrški iz prethodnih godina i pravosnažnim rješenjima donesenim u drugostepenom postupku po žalbama.

POGLAVLJE III – VISINA I RASPODJELA SREDSTAVA

Sredstva odobrena Budžetom Federacije BiH za 2018. godinu, na stavci „ Subvencije privatnim preduzećima i preduzetnicima – Poticaj za poljoprivredu“, raspodijelit će se za sljedeće proizvodnje:

Tabela 1. Raspodjela sredstava za biljnu proizvodnju

A/1	BILJNA PROIZVODNJA				
A/1-1		Proizvodnja ratarskih, povrtlarskih kultura, voćarskih kultura, grožđa i maslina	KM po jedinici mjere za pravna lica i obrti	KM po jedinici mjere za fizička lica	Iznos u KM
	1.	hljebna žita	511/ha	401/ha	
	2.	stočna žita	325/ha	255/ha	
	3.	krmno bilje	279/ha	219/ha	
	4.	uljarice	372/ha	292/ha	
	5.	heljda	372/ha	292/ha	

	6.	ljekovito i aromatično bilje	552/ha	438/ha	
	7.	Povrće	1860/ha	1460/ha	
	8.	grožđe i masline	837/ha	-	
	9.	Voće	837/ha	-	
	10.	duhan	1395/ha	1095/ha	
A/1-2		Proizvodnja sjemena			
	11.	sjemena strnih žita	930/ha	-	
	12.	kukuruza, soje i suncokreta	930/ha	-	
	13.	krompira (osnovno sjeme)	1953ha	-	
	14.	krompira (certificirano sjeme)	1581/ha	-	
A/1-3		Proizvodnja sadnog materijala			
	15.	krošnjastog voća	0,33/kom	-	
	16.	jagodičastog voća	0,22/kom	-	
	17.	vinove loze	0,33/kom	-	
A/1-4		Nerealizovani zahtjevi iz predhodnog perioda			
		Nerealizovani zahtjevi klijenata iz prethodnih godina po modelu poticaja proizvodnji, kojima zbog vršenja naknadnih kontrola i provjera nije isplaćena novčana podrška po Programu novčanih podrški			
		SVEGA: A/1-1, A/1-2, A/1-3 i A/1-4			8.400.000,00

Tabela 2. Raspodjela sredstava za animalnu proizvodnju

A/2	Br.	ANIMALNA PROIZVODNJA			
A/2-1		Govedarska proizvodnja	KM po jedinici mjere za	KM po jedinici mjere za	Iznos u KM

A/2	Br.	ANIMALNA PROIZVODNJA			
			pravna lica i obrti	fizička lica	
	1.	svježe kravlje mlijeko	0,28/l	0,27/l	
	2.	goveđe meso – tov junadi od teladi iz domaćeg uzgoja	418/grlu	328/grlu	
	2a.	goveđe meso – tov junadi od teladi iz uvoza	232/grlu	182/grlu	
	3.	rasplodna stoka - rasplodne junice	418/grlu	-	
	4.	goveda u sistemu krava – tele	418/grlu	328/grlu	
A/2-2		Ovčarska i kozarska proizvodnja			
	5.	svježe ovčje mlijeko	0,28/l	0,27/l	
	6.	svježe kozje mlijeko	0,28/l	0,27/l	
	7.	rasplodna stoka - ovce	32/grlu	25/grlu	
	8.	rasplodna stoka - koze	32/grlu	25/grlu	
A/2-3		Svinjogojska proizvodnja			
	9.	svinjsko meso – tov svinja	56/grlu	44/grlu	
	10.	rasplodna stoka - krmače	140/grlu	110/grlu	
A/2-4		Peradarska proizvodnja			
	11.	18 - sedmične pilenke	0,28/kljun	-	
	12.	matična jata – pilenke teških roditeljskih linija	1,16/kljun	-	
	12a.	matična jata – pilenke teških roditeljskih linija iz 2017			
	13.	matična jata – pilenke lakih roditeljskih linija	1,16/kljun	-	
	13a.	matična jata – pilenke lakih roditeljskih linija iz 2017.			
A/2-5		Pčelarska proizvodnja			

A/2	Br.	ANIMALNA PROIZVODNJA			
	14.	košnica pčela, uzgoj pčelinjih zajednica	14/koš	11/koš	
A/2-6		Ribarska proizvodnja			
	15.	slatkovodna riba	1,16/kg	-	
	16.	morska riba	1,16/kg	-	
A/2-7		Izvorne zaštićene pasmine životinja			
	17.	bosanski brdski konj, domaća buša i domaći magarac u čistoj krvi/križanac u tipu date pasmine	250/grlu	200/grlu	
	18.	pas tornjak	40/grlu	35/grlu	
A/2-8		Nerealizovani zahtjevi iz prethodnog perioda			
	19.	Nerealizovani zahtjevi klijenata iz prethodnih godina po modelu poticaja proizvodnji, kojima zbog vršenja naknadnih kontrola i provjera nije isplaćena novčana podrška po Programu novčanih podrški			
		SVEGA: A/2-1, A/2-2, A/2-3, A/2-4, A/2-5, A/2-6, A/2-7 i A/2-8			44.075.000,00

B/ MODEL PODRŠKE DOHOTKU

Tabela 3. Raspodjela sredstava po modelu podrški dohotku

B/	MODEL PODRŠKE DOHOTKU		
	Broj	Naziv mjere	Iznos u KM

1.	Nekomercijalno porodično poljoprivredno gazdinstvo - Zbog nedostatka novčanih sredstava nije moguće provesti mjere iz ovog modela.	00,00
	SVEGA: B	00,00

C/ MODEL KAPITALNA ULAGANJA

Tabela 4. Raspodjela sredstava za kapitalna ulaganja

C/ MODEL KAPITALNIH ULAGANJA			
C/	Broj	Naziv mjere	Iznos u KM
	1.	Kapitalna ulaganja. – regres kamate na kredite za investicije u poljoprivredi po modelu ruralnog razvoja iz tačke D ovog Programa	500.000,00
		SVEGA: C	500.000,00

D/ MODEL RURALNOG RAZVOJA

Tabela 5. Raspodjela sredstava za ruralni razvoj

D/ MODEL RURALNOG RAZVOJA			
D/	Broj	Vrsta podrške	
	1.	Investicije u poljoprivredna gazdinstva	4.000.000,00
	1.1.	Investicije u novu poljoprivrednu mehanizaciju za biljnu i stočarsku proizvodnju	0,00
	1.2.	Investicije u novu opremu za biljnu i stočarsku proizvodnju	0,00
	2.	Organska proizvodnja	80.000,00
	2.1.	Certifikacija organske proizvodnje	0,00
		SVEGA D:	4.080.000,00

E/ MODEL OSTALIH VRSTA PODRŠKI

Tabela 6. Model ostalih vrsta podrški

E/	Br.	MODEL OSTALIH VRSTA PODRŠKI	Način realizacije	Iznos u KM
	1.	Sufinansiranje premije osiguranja od mogućih šteta u poljoprivrednoj proizvodnji		
	1.1	Sufinansiranje premije osiguranja od mogućih šteta u poljoprivrednoj proizvodnji	Pravilnik	80.000,00
	2.	Sufinansiranje stručnih skupova, kongresa, simpozija, seminara i sajmova		
	2.1	Sufinansiranje organizovanja stručnih skupova, kongresa, simpozija, seminara, sajmova, promocija i izložbi iz oblasti poljoprivredno-prehrambenog sektora	Pravilnik	100.000,00
	3.	Realizacija projekata od značaja za Federaciju BiH		
	3.1.	Sufinansiranje izlaganja na privrednim manifestacijama od značaja za poljoprivredni sektor	Pravilnik	20.000,00
	3.2.	Realizacija strateških ciljeva iz oblasti savjetodavstva	Javni poziv	25.000,00
	4.	Organizovanje poljoprivrednika (zadruga, udruženja i saveza)		
	4.1.	Sufinansiranje troškova realizacije aktivnosti zadruga	Pravilnik	50.000,00
	4.2.	Sufinansiranje troškova realizacije aktivnosti udruženja	Pravilnik	
	4.3	Sufinansiranje troškova realizacije aktivnosti saveza	Pravilnik	

	5.	Sufinansiranje troškova standardizacije proizvoda/proizvodnje	Pravilnik	
	5.1.	Sufinansiranje uvođenja i certifikacije standarda u poljoprivredi i prehrambenoj industriji	Pravilnik	20.000,00
		UKUPNO: E		295.000,00

F/ SUDSKE PRESUDE I RJEŠENJA PO ŽALBAMA

Tabela 7. Sudske presude i rješenja po žalbama

F/	Br.	Sudske presude i rješenja po žalbama	Ukupno u KM
		Novčane podrške-ostvareno pravo u ponovljenim postupcima provedenim po pravosnažnim sudskim presudama u oblasti novčanih podrški iz prethodnih godina i pravosnažnim rješenjima donesenim u drugostepenom postupku po žalbama.	850.000,00
		UKUPNO: F	850.000,00
SVEGA: A+B+C+D+E+F			58.200.000,00

POGLAVLJE IV- IZVOR SREDSTAVA

Izvor sredstava za realizaciju Programa je Budžet Federacije Bosne i Hercegovine za 2018. godinu („Službene novine Federacije BiH“, broj 5/18) u kojem je na poziciji „Subvencije privatnim preduzećima i preduzetnicima - Poticaj za poljoprivredu“ utvrđen iznos od 58.200.000 KM.